

古今圖書集成

方輿彙編

山川典

中華書局  
巴蜀書社

方輿彙編 山川典

古今圖書集成

中華書局 己卯書社

欽定古今圖書集成方輿彙編山川典

第一百六卷目錄

大滌山部彙考

圖

大滌山部總論

臨安縣志 大滌山辨

大滌山部藝文一

重修天柱觀記

天柱觀記

洞霄宮碑記

白鹿山房記

洞霄遊記

大滌山部藝文二 一首

大滌洞

遊大滌山

大滌山

大滌山二首

大滌山

遊大滌山

大滌洞

遊大滌

遊大滌山

大滌山

前題

前題

前題

唐吳筠

五代錢鏐

宋陸游

明葉林

黃汝亨

唐白元鑒

宋楊傑

魯元翰

錢景謀

陳宗古

王淑

徐安國

鄧朴

李延忠

程俱

葉紹翁

鍾頴

明邵濟

大滌山部紀事

大滌山部雜錄

大滌山部外編

山川典第一百六卷

大滌山部彙考

餘杭之大滌山

大滌山在今浙江杭州府餘杭縣城西南十八里高  
六百九十餘丈週迴五十里其山一名大壁山一名  
辟山一名白鹿山

大滌山圖



考

按水經浙江水北過餘杭東入于海 浙江又東逕餘杭故縣南新縣北秦始皇南遊會稽途出是地因立爲縣王莽之進睦也漢末陳渾移築南城縣後縣南大塘卽渾立以防水也縣南有三碑是顧颺范甯等碑縣南有大壁山郭文自陸渾遷居也  
按元和郡國志餘杭辟山本名餘杭山一名白鹿高峻爲最旁有白鹿村  
按洞天福地記天柱山大滌元蓋洞天一百里在杭

州餘杭縣有天柱觀

白鹿山在杭州天柱山吳天師所隱

按三才圖會大滌山圖考大滌山在餘杭縣西南一十八里中有日月分精金堂玉室人謂此山幽清可洗滌塵心故名大滌其中峯曰白鹿山上有許邁升天壇丹竈遺跡及大滌樓真石室白茅歸雲鳴鈴龍蛻諸洞有來賢巖有仙跡巖下有九項山紫紆凡九折曰天關曰藏雲曰飛龍曰凌虛曰通真曰龍吟曰洞微曰雲璈曰朝元有撫掌翠蛟桃花飛瀑諸泉今洞霄宮在焉

按浙江通志山川攷大滌山在杭州府餘杭縣城西南十八里高六百九十餘丈週迴五十里其山居洞霄之左穹窿峻絕迴壓羣巒中有許邁升天壇遺址或言此山清淨大可洗滌塵心故名有七洞中有一峯曰白鹿山相傳許真君仙去之地其右爲天柱山高六百六十丈四隅陡絕中突一峰有參天之勢其前則青檀山不甚高而泉石奇秀爲諸山甲來賢試劍二巖月窟鏡潭皆在焉其聯峙者曰乳山

按杭州府志山川攷大滌山在餘杭縣西南一十八里其山仙芝異草人多不識中有許邁升天壇遺址中有一峯曰天柱山前則爲青檀山其聯峙者曰乳山漳海黃道周嘗習學于此築書院曰大滌山房

又在臨安縣東二十里近餘杭上建洞霄宮乃天下名山也

按餘杭縣志山川攷大滌山一名垂簾山漢元封三年建宮壇大滌洞前唐弘道元年建天柱觀四維之中壁封千步焚燒採爲長生之林茅君傳曰第三十

四洞天名大滌元蓋之天穹崇千尺迴壓羣巒靈芝異草人多不識杜光庭記三十六洞天七十二福地大滌天柱皆在其中誠神仙之窟宅修煉之奧區也自宋天聖四年詳定天下名山洞府以大滌洞爲第五於是洞霄宮提舉用龍輔相大臣之去位者或亦以提舉超左相地望重與昭應景靈醴泉萬壽太乙神霄寶籙爲比他莫敢望南渡後命世大賢往往狎至大滌之名益彰炳寰宇云

白鹿山即大滌山中峯許真君邁上昇於此天降白鹿下迎故名有昇天壇丹竈遺跡杜光庭七十二福地記曰白鹿山在餘杭天柱山吳天師所隱

天柱山在洞霄宮右高六百六十丈與大滌山對峙四隅陡絕巔翠參天丹泉自山頂下殷殷若雷按舊志天有八柱在中國者三一在壽陽一在龍舒此其一也道書謂爲第五十七福地杜光庭三十六洞天記曰天柱山大滌元庵洞天一百里在杭州餘杭縣天柱觀又按道經曰天地之內有十大洞天三十六小洞天如國家之有藩府郡縣遞相稟屬其洞天之內自有日月分精金堂玉室仙官主領考校災祥今天柱山即真誥所謂大滌洞天者也武肅王記又曰天柱風氣柔和土腴泉潔神蛇不螫猛獸能馴其跡如此

九鎖山其勢九折紆紆相續自西南轉東北至宮五里環連鎖屬曲折起伏內抱靈宮故得九鎖之名一天關二藏雲三飛鸞四凌虛五通真六龍吟七洞微八雲璈九朝元乳山在宮前衆山也錢武肅王所增培

青檀山在宮前勢不甚高而泉石奇秀甲於諸山來賢試劍月窟鏡潭皆在焉

香爐山在宮前乳山後其峯甚銳

青嶺山在宮西黃山址狀如屏嶂與白鹿山相對

青苔山在宮西青嶺山東達上塢路西達橫真洞側

黃山在縣西南二十五里左大滌右天柱高出諸山

有伏虎巖嘉靖志曰其山最高百里外望之亦見

丹山在黃山外極高廣綿亙十餘里楊村在其下後有響水石溪流至此輒達達有聲

太滌洞在宮西北半里周迴凡四百里與華陽林屋

逕道暗通相傳閭丘先生入遊見龍鱗異境花木鮮

繁自華陽而歸云洞門石鼓廣尋丈扣之達達然入

洞上下皆平如刻削兩旁崖石委曲夾道中間一石

倒懸若柱名曰隔凡洞中行路詩曲劣通人至隔凡

而止莫能進過柱一穴如竇內闢丈餘有圓井無底

惟聞琅琅水聲乃歷代朝廷遣使投龍以豐簡之處

也或命童子穿竇入率怖慄云其中深杳不可測常

有白鳳長二尺許遊行高崖崖下產草名玉之餌之

長生然希有見者洞中石洞如玉皆蒼黑也

棲真洞在大滌山前峻嶺上舊志云大滌先生杜瑛

語弟子何法仁曰西洞尤廣汝宜居彼避世成真故

名天生學愚石頂狀如寶蓋蓋室幽深乳泉滴漣崖

上有龍爪蟠擎蹠跡之跡或試以手漫之明日視驗

如初一石平如棋局白石子如拳拳積其上入洞門

三丈許有石仙人爲偃臥狀宋大觀三年山人胡直

隱居之日忽聞聲若響數數百黑雲驟集間火柱相

逐奔出洞口已而迅雷烈風震撼山谷移時乃止焉

石室洞亦名藏書洞在大嶽中峯前有巖實石梁互焉洞外泉脈垂注於石梁之下郭真君登山採藥常瀝于此名洗藥泉洞初未顯唐吳筠解化于宣城指示門人藏書劍于此尋訪果得之故名藏書內有石室故又名石室洞洞中有三穴如品字上瞰天目若四明天聰也山腰有石窪尊洞上有石茶竈皆仙家遺跡隱士陸維之嘗築室于此號石室先生

白茅洞在大嶽山西南十里接記曰晉人遇一道士衣巾爽麗自洞中出詢所自來曰吾白茅先生也因名此洞曰白茅其門如井垂纜而下一二丈至平地可環坐二十人復偃身下入又二丈許有仙人酒甕石棋石上一簍通明仰觀日星境界奇絕第山高路阻罕有至者

鳴鳳洞在官外一里道旁山上石門阻隘方客童稚入者云其間石室廣浮兩間屋旁一小徑不知所極上有泉穴環流為環珮聲下入方池未嘗減溢者舊云錢王時因鳳凰來鳴故以名洞其鄉亦改為鳳鄉

龍蛇洞在官外與鳴鳳洞相對山崖中間可百步許香林幽隱巖穴巉巖玲瓏嵌空深可數丈宋皇祐初羽士于洞中獲龍蛇骨齒角皆具故名記曰五洞落通此其一也

歸雲洞去官五百步在棲真洞左偏半里許蓋棲真之後門也深可百餘尺洞有恩頂亞於前洞常有雲氣往還洞外故名歸雲前有隙地灌木修篁蔽映谷口洞門僅數尺下入丈許石壁光瑩如瑪瑙或如玉色紋理若刻畫旋雲飛霞自然成章直下有方池深

不盈咫廣可二尺長三尺池底色白如累珠鑲玉澄澈可愛水盈瀕不常又下數十步有白石若人者三又下數步左偏上陟有石盆其上恰承滴水涓涓細流入盆內可盥濯也四周石乳旋凝若垂瓔珞右偏直下十四五步闊二丈許周道平坦可容三十餘人鳴鈴洞在洞霄宮東山上多巖穴風作則鳴嘉靖志曰舊本作鳴虛洞名尤雅云

雷門新洞邑孝廉何瑞圖經理大嶽書院因居焉後因霆震一聲書院之側崖崩石摧豁開洞天深不可測故名曰雷門

伏虎巖在官山西南峻壁間若環堵之室南有路躋巖者登攀而上旋下行復陟崖磴方至其所藤蘿蒙蔚宵冥晝昏怪禽哀啼巖巖窺窺非有道之士不能處也晉真人郭文伏虎故處

仙跡巖去官一里在行路隔溪崖石間相傳秦始皇至海求三神山將壘石為橋振鐸驅山役鬼移巖茲山岌岌欲動忽有仙人叱鬼以身扼崖石使不得去至今崖上有遺跡儼然冠帽冠略具溫潤瑩澤苔蘚不生以手摩拭良久作古桂香云

來賢巖在官東南青檀山前嵌空數丈上有盤石可坐聚宴美陰蒼翠靜娟用資遊憩康熙年間東坡為郡倅與蔡準吳天常樂富國聞人安道俞康直張日華皆幅巾藜杖盤桓于此坡公成七言近體一章諸君和之故詩有作者七人相對問之句來賢之名緣此

試劍巖自來賢巖東行可二百餘步有兩石亭削中分割如割割故名旁有巖隙可懸數人

石室即唐吳天師瘞書劍地宋陸維之朱行咸居焉觀嶺在官西南自上塢過大嶽洞前古天柱觀路由此入故名

西天柱嶺在官左偏路口棲真洞左嶺首循大路直上左折則玉洞自嶺趾折入支徑約一里則至石室有亭曰採芝越嶺為楊徐諸村

東天柱嶺在官右偏青檀山後亦名九曲蓋自山趾歷九折乃達其巔有亭可憩名九曲亭越嶺則為山南循東溪達邑中其道上游山清勝有足觀者

湧翠石壁在試劍巖後三十餘步有峭壁面北從地湧起高可一二丈廣二三十丈其上蒼翠玲瓏突兀萬狀諸詭奇傑盡態極妍上有石乳飲之芳香有巖對峙相去僅數尺側足附巖劣得道步有亭外向曰翠微

石步障由天柱嶺自石室歷數折上有蒼石松徑聯屬可百餘步故名石步障

小石門在來賢巖東二十餘步歷險陀而上即青檀山路石依巖石左瞰深壑旁有巨石對巖競峙併勢爭高號小石門

樂園在來賢巖宜霜亭下唐夏侯子雲種藥于此芝畦木塢百藥之植靡所不有至今四山產藥草六十餘種圖跡猶存

南陵古道院址真君許遜居大嶽山昇舉有期預報南陵知已曰來日上朝玉帝失至期道侶登陵北望彩雲滿空真君乘白鹿冉冉而去故名此地為南陵松化石在洞霄瑤瑤殿前凡兩株薛皮堅蒼疑為古松所化今不存

雲根石去宮一里與仙跡巖相並狀如片雲從地湧出類飛而未起也萬曆志作苦竹塢

響石在大嶽洞內遊者擊之如鼓聲聞一里許疑即萬曆志所載洞門石鼓云

馮村在冲天觀前昔居人多馮姓因以名村

嶺上在清真道院前

麻居塢在仙跡巖前由是入飛玉亭

下塢自清真洞門入居民之湊

上塢入塢有居民十數家泉泓一派十家同此源也

上有石府君廟

大塢自東天柱橫趾折度小嶺循溪平路達邑中

柴竹塢在青檀山西

廚院方池唐大曆五年令尹范公惜與道士坐石上

俯見泉脈浸潤因命鑿池以便公廚

新池唐大曆中縣令范仲將鑿

三池在洞天福地門內路旁唐乾寧間錢王所開壘

石爲暗溪約里許通天柱流泉滿著其中左二石一

形如品字

丹泉亦名天柱泉發源最高歷天柱山而下初聞殷

殷若雷至大嶽洞西百餘步乃出有方池潄焉甘洌

不竭天宇晴明則丹光旁浮渙若柔鮮混爲紫暈一

境田疇咸仰灌溉

翠蛟泉在宮之洞天福地門外以東坡亭下流泉翠

蛟舞之句故名

撫掌泉在宮內龍祠下昔仙人撫掌而泉脈自湧故

名

冷泉在宮外元同橋三池上

桃花泉在龍洞西數十步出石罅間橫注入溪昔人每見有桃花片流出故名

飛瀑泉在青檀山石白練飛布勢如瀑布故名

洗藥泉在石室洞前

飛玉泉其水下流徑玉泉橋

洞酌在青檀山越小石門有泉如綫自石罅出注石

穴穴如仰盂而方曰洞酌

鏡潭洞酌下流有石實泉清可鑑故名

月窟在洞酌之旁有巨石圓數玲瓏廣二尺許深可

五六尺曰月窟

冰壺在月窟之西更得一石實貯泉清寒曰冰壺

雙仙橋在九鎮山門外晉郭真君與葛仙翁倚杖講

道于此故名

玉泉橋去雙仙橋一里餘在東天柱嶺下飛玉泉由

此橋出于洞故名

鳴鳳橋去玉泉橋六十餘步在雲根石左鳴鳳巖邊

故名

會仙橋在樓真洞門前入宮大路跨洞爲橋嘉靖志

曰閣丘先生與錢武肅王相度地理鑿石架橋故名

元同橋去鳴鳳橋三百餘步

朝元橋在宮外四里由天柱入宮大路俗呼湖塘橋

朱咸淳中增構高廣

古蹟考武帝郊壇在大嶽洞前漢武帝所創今其址

無存

祥光亭在縣西南大嶽洞口

清音亭在大嶽洞路之旁丹泉池上乃天柱發源之

實水瀑洞亭間循流以入于沼清冷可聽取左太冲

山水有清音之句

右軍碑在大嶽山洞霄宮內玉皇殿前歲久剝落尚存十餘字

按臨安縣志輿地考大嶽山二十五里道經爲第二

十四洞天名曰大嶽元蓋之天凡四峰穹窿千仞居

之可以洗滌塵心故名其麓爲九鎮山紫迴環抱左

右址相錯者九中溪流界斷從溪度小石橋有九峰

拱秀坊一天關二藏雲三飛鸞四凌虛五通真六龍

吟七洞微八雲璈九朝元上數百步爲鳴鳳橋宋建

炎間造鳴鳳洞石門阻隘吳越王時有鳳凰來因名

併各地爲靈鳳鄉石度會仙橋入樓真左入洞霄宮

宋理宗御書洞天福地今門廢扁移方丈有翠蛟亭

宋高宗建泉自三池流入洞洶湧若雷飛映山林

作紺碧色再上爲聚仙亭元同先生創以占氣者乾

寧中衆聞亭上環珮聲報先生先生曰仙官朝謁北

辰今日聽講上清大法至此亭爾故名有元同橋先

生與吳越王相地注水築此橋橋東有冷泉出石齒

間寒若冰雪有天下名山坊坊內三池路左二右一

若品字然吳越王自大嶽洞前鑿石爲暗溪接天柱

泉入池復爲暗溪曲折五六匯翠蛟亭又上寬平可

數十畝自黃山中天柱來風清氣和土腴泉潔漢武

元封間建宮壇晉郭眞君結茅居之唐爲天柱觀宋

爲洞霄宮御碑書法甚佳但經火不可讀中爲無塵

殿亦名三清後爲方丈祀朱文公黨李丞相綱二公

皆提舉洞霄宮者左有鳴鈴洞風作則鳴有玉皇觀

皆用柏木殿左有撫掌泉吳越王撫掌招鶴鶴下而

泉湧清冷可愛古詩有却疑三尺底別是一壺天之

句有乳山作玉皇觀案有青檀山泉石奇秀甲諸勝  
有來賢廉欲穴數丈磐石可坐東坡倅杭時與蔡準  
吳天常樂富國聞人安道俞康直張日華同遊於此  
建宜霜亭自青檀越小石門有泉出石罅如仰盂而  
方曰洞酌旁有巨石圓寂玲瓏曰月窟其西石實寒  
泉曰冰壺其下泉清可鑑曰鏡潭四景俱備志所載  
今失其處自來賢嚴二百步有石裂如劍所斷曰試  
劍石巖爲漢武投龍簡之所曰大滌洞洞深育持火  
炬乃得入行里許夾道委曲石色若蒼黑玉中白文  
縱橫不易辨又垂一石柱號曰隔凡過此柱有圓井  
無底惟聞浪浪水聲相傳最上產玉芝餌之長生洞  
口爲祥光亭吳越王徵時臥巨石上曰異日富貴當  
建亭覆此石及貴作亭卽有五石雲從洞中出羽人  
皆在雲氣中若仙官之朝玉京也洞右有丹泉有清  
音亭洞左度上塢嶺絕下數里與會仙橋路合又  
數里上西天柱幾百級始到谷口亭循鳥道緣石脊  
則大滌中峰矣許真君於此上昇天降白鹿下迎亦  
曰白鹿山仙壇丹竈瓦甍尚存今建白鹿山房山下  
有石室洞中三次亦若品字透見天日吳天師鑄戶  
解宜城指門人藏書劍於此石蓬石榑茶龍皆仙家  
遺跡北有龍蛇洞與鳴鳳洞對巖穴深育有羽人於  
洞中獲龍蛻骨齒皆具又白茅洞其門如井下三  
四丈至平地坐可容二十人再下二丈許一竅上徹  
天光境界奇絕晉人遇一羽衣自洞中出曰吾白茅  
先生職此久矣自大滌轉南爲棲真洞天憲頂狀若  
寶蓋窺室幽深亂泉滴瀝分東西二臺東有龍蟠跡  
西一石平如碁局白石子委其上旁列坐石又有石

人若仰臥狀有窟可容數人卽大滌先生杜琛語弟  
子何法仁成眞所也再南爲黃山乃洞霄宮之祖左  
發大滌石發天柱其趾長水灣伏虎巖在焉峻壁間  
若環堵之室郭眞君伏虎於此又再南爲天柱山有  
三峰此其最高者與大滌峯敵頂有石柱高丈餘圍  
兩抱名山記稱天有八柱在中國者三二在壽陽一  
在龍舒一在此舊志謂西有天目東有天柱壯縣之  
形勢者此也山右一帶轉石壁山九曲巖屬餘杭  
鏡潭在大滌山石實寒泉一泓澄澈可鑑  
湧翠石在大滌山試劍巖後有峭壁從地湧起高一  
二丈廣三四丈其上蒼翠玲瓏突兀萬狀頂有石乳  
飲之芳香  
響石在大滌洞口橫石如鼓擊之有填填聲謂之洞  
門石鼓舊志稱中有白鼠王芝今不可考  
藥園在大滌洞東夏侯天師種藥處至今山中產藥  
有六十餘種  
洞霄宮在縣東二十五里靈風鄉漢元封三年建宮  
壇于大滌洞前唐弘道元年建天柱觀南向中宗時  
賜觀莊一所後有朱法師改爲北向乾寧二年錢武  
肅王與閻丘先生相度山勢復改南向未祥符五年  
陳堯叟奏改今名天聖四年詳定天下名山洞府以  
大滌洞爲第五後因方臘之變火于兵紹興間重建  
仍建吳天殿于東廡後殿左開通明館乾道二年壽  
皇伯顯仁皇太后臨幸駐蹕山中勅大官進蔬膳親  
御翰墨壽度人經以賜自南渡後命世大賢往往提  
舉洞霄宮其地望之重殆與昭應景靈醴泉萬壽太  
乙神霄寶籙爲比他莫敢望元末兵燹明洪武初重

### 建歷久復圯

#### 大滌山部總論

#### 臨安縣志

#### 大滌山辯

按山川考所屬區分有疆界丈量有版籍雖咫尺母  
容混也邑自唐武后垂拱四年始分餘杭於潛地爲  
臨安則縣以東舊爲餘杭西鄞縣以西舊爲於潛東  
鄞明矣故天目有兩目之別東屬臨安西屬於潛徑  
山有雙徑之名東屬餘杭西屬臨安此皆相度形勢  
而定其界域者也獨大滌天柱之山從脊分界左畔  
有石窟注水流下遠宮前三池元同橋合會仙橋洞  
水出九鎖山洞東屬餘杭西屬臨安宮產舊在靈  
鳳三圖辦納自丈量宮址山田仍坐靈鳳三圖而立  
戶輪權撥入高陸三圖是洞霄宮爲臨轄彰彰矣乃  
浙江通志將大滌天柱收餘杭志中蓋大滌宮壇建  
於漢武帝元封三年天柱觀建於唐高宗乾道元年  
是時俱未置臨安縣故隸餘杭自析縣以後疆界版  
籍並在臨安而大滌天柱之名仍隸餘杭則沿襲之  
誤也不可不辯

大嶽山部藝文一

重修天柱觀記

唐吳筠

太史公稱大荒之內名山五千其在中國有五嶽作鎮羅浮括蒼崑崙十山爲之佐命其餘不可詳載焉天柱之號漢晉及此三峯一稱矣蓋以其下據地紀上承天維中涵洞府之謂豈惟金碧宅靈仙所貴與雲雨瀾萬物也自餘杭郭汭漢十里登陸而南弄潺湲入崢嶸幽徑窮纔越千步忽巖勢峭倚襟懷環擁而清宮闢焉於是旁訊有識稽諸實錄乃知昔高士郭文舉創隱於茲以雲林爲家遂長往不復元和貫於異類猛獸爲之馴擾晉書逸人傳具紀其事可略而言自先生因景潛升而遺廟斯立暨我唐弘道元紀因廣仙跡爲天柱之觀有五洞相鄰得其名者謂之大嶽雖寥遠莫測蓋與林屋華陽密通大帝陰宮耳爰有三泉一泓一盤殊源合派水旱不易雖爲曲池夏寒而辨沙礫冬溫而冒華藻既漱而飲之曲肱而枕之樂在其中矣土無沮濕風不飄厲故棲遲者心暢而壽永盤礴紆輿氣淳境美虎不搏蛇不螫而況於人乎貞觀初有許先生曰遠懷道就閒薦召不起後有道士張整葉法善朱君緒司馬子微暨齊物夏侯子雲皆爲高流或遊或居窮年忘返實惠中羣寇蟻聚焚焚城邑蕩然煨燼惟此獨存非神靈扶持曷以臻是州牧相里造縣宰范惜化洽政成不嚴而理遺埃景附復輯其業筠與逸人李元卿樂土是安捨此奚適恐將來君子靡貽厥由故曩而志之表此堅石

天柱觀記

五代錢鏐

天柱觀者因山爲名按傳記所載皆云天有八柱其三在中國一在舒州一在壽陽泊今在餘杭者皆是也又按道經云天地之內有十大洞天三十六小洞天如國家之有藩府郡縣遙相稟屬其洞天之內自有日月分精金堂玉室仙官主領攸校災祥今天柱山卽眞誥所謂大嶽洞天者也內有隧道暗通華陽林屋皆乘風馭景倏往忽來羣真杳冥非世俗所測而況大江之南地兼吳越其峯巒西接兩天眼之龍源大連石鏡之嵐岫東枕浙江之迢派可謂水清山秀兼通大海及諸國往還此外又有東天目西天目及天竺之號得非抗蒼溟于穹昊聳絕壁于雲霄立天爲名以標奇特耶若乃登高遠望則千巖萬壑金碧堆疊龍盤虎踞靈粹滋孕代生賢人非山秀地靈之所鍾鑿其孰能與於此乎就中天柱風清氣和土腴泉潔神蛇不螫猛獸能馴自漢武帝酷好神仙標顯靈跡乃於洞口建立宮壇歷代祈禱悉在此處東晉有郭文舉先生得飛化之道隱居此山羣虎來柔史集所載乃於螭壘之次手植三松虬偃鳳翔蒼翠千載今殿前者是也洎大唐創業崇尚元風恢張道緒天皇大帝握圖御宇授籙探符則有潘先生弘演翼源搜訪神境弘道元年奉勅創置天柱觀焉仍以四維之中壘封千步崇彼樵採爲長生之林中宗皇帝玉葉繼昌元關念關特賜觀莊一所以結香燈於是畫殿乃似匪人工廊檻而皆疑化出星壇月砌具體而微則有被褐幽人據梧高士挹澄泉之味息青蘿之陰葉天師法善朱法師君緒吳天師筠暨天師齊物司馬天師承順夏侯天師子雲皆繼踵雲根棲

神物表骨騰金鎖名冠瑤編出爲帝王之師歸作神仙之侶金錯標字翠飛流芳昭晰具存不俟詳錄其餘三泉合派雙石開扉藥園新地古壇書閣各有題品足爲耿光鑒此際崇聖朝聖安藩閭綰閣之封略統句踐之山河龍極蕭曹榮榮渾郭緬懷斯地實邇維桑素仰眞風備詳前事但以此觀創置之始本對南方後有朱法師相度地形改爲北向雖依山勢偏側洞門其洞首陰背陽作道宮而不可致左右同龍輿地勢以相違背洞門而不順百靈使清泉却侵白虎致使觀中寒落難住賢能皆爲尊殿背水激衝之所致也乾寧二年鑿因歷覽山源周游洞府思報列聖九重之至德兼立三軍百姓之福庭於是齋醮之餘遍尋地理觀其尊殿基勢全無起發之由致道流困窮二時而不辦香燭竟成而全無醮閱遂抗直表上問聖聰請上清道士閻丘方遠與道衆三十餘人主張教跡每年春秋四季爲國焚修鑿特與轉建殿堂兼移基址山勢有三峯兩乳兼許邁先生丹竈遺跡猶存遂乃添低作平減高爲下改爲甲向是五音第一之方而乃添培乳山却爲主案尋卽一二年內法主兩落渥思道侶益臻常住咸備青牛白鹿堪眠琪樹之陰絳節霓幢不絕星壇之上得不因移山勢而再振元風者哉尋又續發薦章奏閭丘君道業聖上以仙源演慶眞派流輝方瑞水以遊神復華胥而入夢欲闢無爲之教欣聞有道之人勸賜法號爲妙有大師兼加命服雖寒樓帶索之士不尙寵榮在法橋勸善之門何妨顯赫其大畢法道士鄭茂章生自神州久棲名嶽元機契合負笈俱來鏐幸揖方瞻

常留花竹副妙有大師三元八節齋應同修福既薦於宗祧惠顧諸於軍俗尋發特表崇鴻恩賜紫衣焚修於此其大殿之內塑天尊真人龍虎二君侍衛無闕其大則創上清精思院為朝真念道之方建堂廚乃陳鼎鑪鑪之所門廊房砌無不更新天風每觸于庭除地籍時聞于應戶發為親錄觀類以表成功非於八體之能貴立永年之志妙大師閻丘君靈芝稟異皓鶴標奇誕德星繼披覽洞朝修德慈科戒精嚴實紫府之表儀乃清都之輔衛加以降神之地即舒州之天柱山也遊方有志躋躋忘疲自生天柱之前駐修天柱之下察其符契信不徒然乃此修崇實為搜括所謂道無不在代有其人爰自開基至于功畢備仙家之勝榮暢聖祖之真風遂錄畫圖封章上進奉光化二年十一月二十七日詔旨勅錢鏐省所奏進重修天柱觀圖一面事具悉我國家集慶仙源遊神道域普天之下靈跡甚多然自兵革浩與基址多毀况茲幽邃豈假修營卿考輻輳經知列聖崇奉親臨聖觀重真仙居仍還精懇之流虔備焚修之禮冀承元貺來祐昌期豈惟觀好事之方抑亦驗愛君之節既陳章奏披覽再三嘉嘆無已想宜知悉冬寒卿比平安好遣書指不多及懿夫地出靈皇天開洞宮三皇之前真聖非一莫非乘虛降景出有入無難或掛于傳聞不可知其名氏皆分洞天而理即大落居其一焉天柱觀即漢以來迄于唐室修真之士繼踵清虛當四方倣效之時見一境希希之趣今也仙宮嶽立高道雲屯六時而鐘磬無虛八節之修齋閣闕有以保國家之景祚福兩府之蒸黎錄今統

吳越之山河官超極品上奉宗社大及軍民莫不虔仰神靈運行大道時也聖明當代四海歸心奉養委以東南封爵功臣兼領金帛家山衣錦兼兩道之油幢上承一人倚注之恩大荷正真護持之力元元至聖崇敬福生大道真科是無為化致乃及身於此合刊貞石用俟後賢時光化三年七月十五日記

洞霄宮碑記

宋陸游

造化之初民倫旁薄一氣既分天積氣於上地積塊於下明為日月幽為鬼神聚為山嶽海濱散為萬物萬物之至靈為人人之至靈為聖哲為仙真而道為天地萬物之宗幽明鉅細之統此伏羲黃帝老子所以握乾坤司變化也其書為易六十四卦道德五千言陰符度人西升生神之經列禦寇莊周關尹喜之書其學者必謝去世俗練精積神棲于名山喬嶽略與吾教弗類而儒于父子之親君臣之義與堯舜周公孔子遺教無異則正吾教之大指也臨安府洞霄宮舊名天柱觀在大落洞天之下蓋學黃老者之所廬其來久矣至我宋遂與嵩山崇福為天下宮觀之首以龍輔相大臣之去位者亦有以提舉洞霄超拜左相者則其地望之重始與昭應景靈醴泉萬壽太一神霄寶籙為比他莫敢望在真宗皇帝時始制詔改宮名賜仁和縣田十有五頃以奉齋醮悉除其租賦至致和間宮以歷歲久穿壤漫漶徽宗皇帝降度牒三百命兩浙轉運司復與真之歲度童子一人為道士建炎中又廢於兵火高宗皇帝聞之當十嘆息乃紹興二十五年以皇太后之命建吳天殿鐘經二閣表以崇閣緣以修廢費出慈寧宮梓匠工役具於

修內步軍司中使臨讓賜賜至既不以命有司而山麓之民晏然不知有役一旦告成金碧之麗光熙林谷鐘磬之作聲摩雲霄可謂盛矣及上脫屣萬幾願神物表遂以乾道二年自德壽宮行幸山中駐蹕累日勅大官進蔬膳御書度人經以賜自有天地即有此山殊尤之迹今乃創見慶元六年九月官都監潘三華與知宮事高守中同知宮事水丘居仁以告游日歷有紀以為無窮之傳游以疾未能同知官事王恩明及其徒李知柔踵至以請會游被命絀史又不克成嘉泰三年四月史成奏御乃能敘載本末如此且作銘曰在宋祥符帝錫帛書乃作昭應比隆河圖元豐景靈列聖攸居元祐上清以祝帝儲祕宇皇皇煥于天衢徽祖神霄誕彌九區迨我高皇帝方東吳瞻言天柱鎮茲行都警蹕來臨神明翊扶乃御輿殿穆清齋居天日覆照雨露涵濡迄今遺民望屬車三聖祠與光照聖謨千礎之功壽騰太虛保閑鴻鐘養於江湖肆作謠詩億載不渝

白鹿山房記

明葉林

大嶽洞天發自天目盤薄苕溪之陽形勢最勝自古有道來遊來居仙去者皆可數然山中泉石勝處率多北向而南而勝者白鹿一山耳是山為大嶽中峯升天壇在上其下石室按舊志皆許遠遊真君作壇煉丹丹成天下白鹿迎去所以名山也唐吳興節天師美文辭與太白齊名書構石室為藏書地逮尸解宣城語弟子當還天柱石室此石室所以著也宋陸永仲王元素朱復常諸君相繼於此得道者益甚自永仲築室隸洞霄宮俯仰幾二百年興廢不一大德

甲辰沈公介石往山登覽懷遠前修而弗返弔遺跡其將遷規營高居以待騎士顧土木繁興力有未暇者於是徐和父贊曰屋無倫奢取足庇風雨郭文舉其人豈以苦履為嫌耶否則食粟而已納之廣廈哭益乃作數楹石室顯維門館庖廩不遇具體然前觀天柱後負升天壇龍鳳兩洞左路所從入棲真洞右望而見之四週山勢若屏障環合下五巨松翼然拱立薰風足以徂暑愛日足以辟寒雪履月夕莫茲境為絕塵幾方外高躅肯息焉時杭人牧心鄧公適留山中孟公集虛與其徒孫史元甫為附屋後偏介兩石若樓船而方將此遂樓樓志鄧氏益命工發土得奇石五六東偏有款腹穴趾若丹竈者有高下聯屬為壺若刻漏者有圓數橫貫其首而頂銳若犀角者若蟻蛭蜂房交錯相穿者西偏則紺碧玲瓏三面環峙儼然翠恩凡廣不數丈千巖萬壑情狀畢具曠古珍藏坐致眉睫間則撫然而嘆曰有是哉夫石山川之精秀融結辟蔽土壤不知幾年一旦有識者發之有力者拔之始得為人境絕觀於天地不敵人獨無是秀且精乎曰為情欲之士所翳事物之壞所蔽相發者無識自拔者無力以至於晦昧而於仰望管唐朱諸君如龍魚如虎鳳如鸞鶴不我相謀曾不若一石之有契也語未既余適以月夜登山為余道本末如此且問名屋因命循其本曰白鹿山復為之記

洞霄遊記

黃汝亨

出餘杭城西門間所謂洞霄者而登焉徑自野間行八九里許有竹十餘林俱密陰濃翠日影不得下漸

近山漸佳左右俱巖岫曲折幽絕溪流齒齒從洞中下聲碎礎從巖齒間出稍進而小橋泉石更清澄可弄旁多白泥初視之如堆玉積雪似可觀聞之人言白石在本山三里外近為市夫鑿取入溪揭為粉取重費為此山聚穢又恨無有以驅之耳未幾老道士周尚文出迨至洞霄殘碑下文字剝蝕不可讀書法近晉唐人筆其佳又上則洞霄宮殿宇也按志茲山為大潑元蓋洞天漢武元封三年始建宮壇歷今千五百餘年唐建天柱觀歷宋及我明俱遣使崇奉之甚盛今半頽殘矣獨王皇殿係宋舊物木皆用柏無塵三清殿係郭真君結茅處已非故木方丈有驛翁提舉洞霄宮像在焉一扁金書洞天福地四字骨力精剛則宋理宗筆也日方午遂呼道士引至大潑洞洞深宵即漢武投龍簡之所持火炬乃得入行里許有唐宋人留題滅沒不能辨石色如蒼黑玉中縱橫白文如界又似飛雲片片志稱中有白鼠玉芝未得見也洞口橫石如鼓擊之有填填聲又上則天柱峯千仞壁立名山記稱五嶽之外天有八柱見于中國者三此其一也其上有樓真洞暮不及登又亭有飛玉宜霜泉有鏡潭無骨皆名宇俱佳已湮沒未得獨撫掌泉在宮殿下昔人撫掌湧泉處今已湮沒佳者已入于贖品題所稱青山九鎖不易到作者七八相對閒庭下流泉翠蛟舞洞中飛鼠白鶴翻是也

大潑山部藝文二

大潑洞

唐白元鑒

名山閭靈府隱士此尋真仙去空遺鼓雲局不見人川源世上異日月洞中春欲出虛無境應修有待身

遊大潑山

宋楊傑

大潑洞天王為室真官典校長生籍青山九鎖閣仙源老盡碧桃人不識祖龍求仙徒用力駕海欲驅山下石神人俯住不與行留得巖前隱仙跡

大潑山

魯元翰

馬跡清曉破藍田一出紅雲骨已仙任鎮九重山下路終尋五處洞中天泉流碧樹長鳴玉跡隱蒼崖久蛇蟠人世歸時知變否樵夫曾記爛柯年

大潑山二首

錢景讓

清夜宿瑤宮雲開天柱峯千巖空洞月萬籟古壇松仙馭聞孤鶴琅琅想六龍朝元步虛曲將大引林中其二

入谷初無路

陳宗古

入谷初無路山蹊九折迴紫庭藏玉室碧落抱瓊臺溪水人間見桃花源上開祇應有仙骨得到洞天來

大潑山

王凝

洞天三十六奇遠此無僞笙鶴有時下神仙何處遊巖花自照水谷鳥不啼秋盡日松陰底閑憑寒洞流

遊大潑山

徐安國

山合峯峯路屈盤溪行九折勢蜿蜒雲根長伴仙人迷元蓋潛通大潑天玉殿香銷人寂寂石壇花落草芊芊黃冠解職尋幽興為洗寒鑪煮碧泉

大潑洞

徐安國

大潑山藏碧玉函神龍護八虎馴嚴華陽遠通仙

處始見元同骨不凡

遊大濬

鄧朴

人間之暑如炊蒸拂曉故作山中行山深石古雲霧集青松十里聞風聲上最高挂水晶簾下巖碎擊琉璃盤天風吹作六月雨使我肺腑生清寒山花醉木蒼苔破幅巾羽士花間坐謂子多賦山中吟憑誰寫作書中畫

遊大濬山

李廷忠

清溪路入武陵源雞犬人家隔近村拔地一峯危作柱樓臺五洞窄開門空庭有客掃松影古徑無人蹈藥痕我欲白雲巖畔宿月明一夜聽啼猿

大濬山

程俱

太湖隱吏疎且頑手板拄頰看西山筆牀茶竈向何許往來洞庭林屋間側聞餘杭隱大濬故整煙艇尋蒼川相從喜得二妙士金庭老客南昌仙早行不憚路曉月還思自覺奔奔泉閣迴洞轉若無路但見老翠漫秋烟中峰一柱萬山表勢與太華爭擎天神仙古洞絕壁下蓬萊別館青雲願天壇無人石室冷借問白鶴何時還人生但爲形體累會當去之如蛻蟬金庭客南昌仙他時待我乘八景舉手少別三千年

前題

葉紹翁

虎巖月濬迷仙路龍洞雲深透別州九鎖青山原不鎖碧桃開後更重遊

前題

鍾穎

大濬通華陽仙家碧雲上飛泉舞蒼蛟絕壁浮翠瀼泉石有聲詩雲煙無盡藏落日青山多臨風一帳望

前題

明鄒濟

仙巖九折鎖瓊臺琪樹排雲洞戶開欲探靈淵更深處恐驚龍睡却回來

大濬山部紀事

杭州府志晉許邁字叔元一名映嘗謂餘杭垂雲山近延陵之茅山潛通五嶽古神仙陳安世茅季偉書所遊處也于是立精舍十垂雲而往來茅嶺之洞永和二年又謂臨安多金堂玉室仙樂芝草遂移入臨安西山登巖如芝渺然自得終焉之志乃更名元宇遠遊人莫測其所終

餘杭縣志郭文字文舉河內軹人年十三歷華陰山石室中得石函丹經習之後晉室亂乃入餘杭大濬山伐木倚林苦履爲舍不置四壁時猛獸害人文獨居十餘年無害鹿裘葛巾區種菽麥或採藥以質鹽酪有餘即施貧人一日有虎張口向之文視其口有橫骨乃引手探去明旦虎置一鹿于舍外適有獵人來宿因指與之後虎服役如僕從令負著隨行晝置于鳳凰山側文貨藥歸晚虎嗥今名其地哩亭時餘杭令顧慶與葛洪共造其舍攜與俱歸贈以草褥稻一具不受手植三松與虎遊息樹下王導聞其名遣人迎之不取舟車荷擔徒行導遣之西園朝士咸往

觀焉頽然箕踞旁若無人溫嶠問曰饑思食壯思室自然之理先生獨無情乎曰情由慮生不慮故無情又問猛獸害人先生獨不畏耶曰人無害獸心則獸亦不害人又問世不寧則身少安先生不出濟世乎曰非野人之所能知也後復歸梁乾化三年七月封靈隱真君

唐白元鑒四川成都府人元宗幸蜀時鑒爲威儀道士住上皇觀志在絕俗逍遙退舉周覽山川訪前賢高蹈之蹟得餘杭天柱觀止焉一日解化塋于天柱山大濬洞東北

臨安縣志唐暨齊物字子虛隨王清觀朱法師入大蘇山積書千卷以著作爲事每講道書聞者歎服吳越王錢鏐賜度弟子對曰樂靜入矣不願也後不知所之

餘杭縣志夏侯子雲從巖眉山來年二十狀貌奇古投司馬承禎夙興夜寐勤侍中望凡十數年未嘗一日怠缺與物無競不屑世務及禎羽化乃于大濬山中築藥園種芝木之屬書言占聖人以上藥養神中藥養性下藥遣病嘗掩戶經日寂無所聞有鄰院道士窺見一草衣人同坐亦瞑目不語至暮啓關伺之則無所見天復中乘異獸歸隱東峰不知所往

大曆四年台州黃巖大旱徧禱弗應遂祈于杭之大濬洞既雨土神見夢于邑大夫曰宜鑄金爲鐘以酬厥貺大夫從之逮宋宣和間更三百六十餘年毀于火紹興八年道士朱希及等收拾破壞將復鑄鐸之夕神夢曰治于故地乃成不得已從之明年鑄成赤坡左瑤銘曰壞于數匪壞于火成于神匪成于人作

于此用于彼福吾邑無有已今致

臨安縣志宋王林其先北京大名府人避地臨安愛金嶺山川之勝遂家焉初蜀青城方士五人遊至浙止石室中一人忽曰吾慶緣未斷更當爲人子三紀揖衆別去先生父球母潘氏孕之夕夢偉丈夫跨白鹿入門驚寤而生先生方在襁褓口吻常唧唧若有所謂以華啖之輒揮去既長臨景吟咏不凡及娶父母呵責不得已受命既得子笑曰吾貴已塞况有二弟可與父母訣矣遂棄家結茅大嶽山修真煉養沐浴趺坐而化年果三十六瘞于石室之麓有一白鹿呦呦循行塚上

朱真靜字復常本邑人幼好學丹經元文一覽輒通每春日摘茶客至掌筆爲供不事茶具書行經宿諸徒驚憂念歸云吾遊大嶽洞遇碧巾黃衣人相攜至馴虎巖下坐語移時不謂經宿也題壁間曰經書那得語虛無荆棘原來有坦途不遇異人真口訣誤人錯下死工夫遂登石室宴坐二十載一日謂諸徒曰吾卜中元別此山也及期書偈曰去來如一真性湛然風收雲散月在清天趺坐而化

餘杭縣志唐子賈宋政和間人修道洞霄宮性嗜讀書尤長著述謂大嶽洞天歷千五六百年其間幽人逸士無傳于世因撰大嶽洞天眞鏡錄朝廷方求巖穴奇士部使者以子賈聞強起一至京師徵示幸賈錄宮講所子賈在焉上望見儀狀魁偉召前問從何來對曰草野臣無他技能江東使者以臣應詔即日授金壇師主杭州洞霄宮至宮四方學者翕然從之盜起嚴徽聞破臨安縣官吏散走其徒治舟請行于

賈曰吾蒙天子命住此守死吾職也公等第去已而賊至于賈正色叱之遂遇害上聞其忠贈錢三十萬乃贈正素大夫云

臨安縣志既日盆號鶴巖杭之於潛縣人受度于邑之天目山眞慶觀註道德南華經自成一家後居大嶽山至元間尸解

大嶽山部雜錄

明程嘉燧餘杭至臨安山水記餘杭有大嶽山相傳山中有金堂玉室爲第三十四洞天又有天柱山居福地之五十七是日意於空際或一觀焉然昇夫野人莫能指其處也

大嶽山部外編

臨安縣志唐丘方遠字大方舒州人幼辯慧學於廬山道士陳元悟又傳法籙于天台葉藏質唐景福中居大嶽洞武肅王師事之號元同先生與王相地重建天柱宮一日王夢先生騎鶴訪別旋計至及就廣但空棺而已後有人見于廬阜自言我舍大嶽隱瀟山天柱源也

欽定古今圖書集成方輿彙編山川典

第一百七卷目錄

天目山部彙考

圖考

天目山部總論

杭州府志 天目山 西天目山說

天目山部藝文一

遊天目山錄

東目記略

西目記略

天目山記

天目山賦

天目山部藝文二詩

天目山新婦石

天目山

天目山雷神宅

天目山

左韓吳公禱雨天目山有感

天目山觀瀑布

天目山對雪

九日望天目

登天目絕頂

天目山咏

天目山部紀事

天目山部雜錄

天目山部外編

明唐樞

馮夢禎

前人

王晉亭

盧栢

唐白居易

釋靈一

宋蘇軾

趙文昌

錢思復

明馮夢禎

彭幹

袁煒

陶望齡

袁宏道

山川典第一百七卷

天目山部彙考

輿地志之天目山

天目山在今浙江杭州府臨安縣城西五十里高三千九百丈周圍八百里互杭宣湖徽四州界

天目山圖



考

按輿地志天目山上有兩湖謂左右目故名天目也山極高峻上多美石木多茶

按始輿記於潛縣北有天目山山上衆木其美非常因名翔鳳林

按水經浙江水注浙江水又北逕新城縣桐谿注之水出吳興郡於潛縣北天目山山極高峻崖嶺連疊

西臨絕澗山上有霜木皆是數百年樹謂之翔鳳林東面有瀑布下注數畝深沼名曰蛟龍池池水南流逕縣西爲縣之西谿

按元和郡國志天目山上有數百樹名曰翔鳳樹按洞天福地記第三十四洞天目山周圍二百里名太微元蓋之天在杭州餘杭縣

按太平御覽江東諸山考雜道書云天目山左高千地千五百丈右高千地七千丈縱廣三千里上有淵中有魚可食無毒蟲

按方輿勝覽浙西路臨安府天目山在臨安縣西五十里有兩峯峯頂各一池左右相對名曰天目有洞府三十六所

又在安吉州南七十五里有兩池故名遞齋閑覽云昔有登此山者遇暑雨見雲霧皆在山腰雷似嬰兒聲

按地理通釋十道山川考江南名山天目山在臨安府於潛縣北六十里有兩峯峯頂各一池左右相對曰天目郭璞云天目山前兩乳長龍飛鳳舞到錢塘

按圖書編天目山考天目之山雄視兩浙高可三千八百丈橫互八百餘里故洞元集爲第三十四洞天

云隆慶歲癸未三月自餘杭起行行七十里日暮始宿大坂厥明行三十里至滿嶺南北兩山皆盤旋曲折似漸入佳境矣再行三里許山之北石骨林立中忽開一洞曾有道人經過問之樵人曰此洞高若干許答以高六尺有奇道人以手杖度之果符其數當有金銀二物以厭其勝覽之數日果得一山一名金鰲塢一名銀山總督軍門立碑嚴禁搜挖有可稽者申刻始駐雙清莊入浮玉禪林瞻梁昭明太子遺像以昭明曾讀書于此偶目疾痛甚洗而復明故以雙清名莊也山僧道其源委甚悉夫早西行入山初至仰止山亭以倚翠亭旁有巨石高而且方石名倚翠因以名亭也三至如斯亭泉橫澗道衝出勢不可屬作石梁以渡之曰半山橋左有響水巖泉石從右奔注側耳聽之其琤琮之聲若自石中出者傳言巖石虛空以故聲音如響理不可曉再上有觀音石平正如砥自牛眠亭少折而上見古杉一株大可九圍其枝皆下向復昂勢如虬龍殊為可玩遂至真際亭兩山夾道流泉瀑布之勝且謂此亭扼一山之吭澗泉從此下注雙清約十里有奇中有一道分流左右不知所入遂入高峯塔院高峯者寺之開山祖師有定性子題其居曰真空洞飛雲閣皆倚獅子巖而立內有高峯肉身以缸覆之塗以灰葬于獅子口中其形唇掀而上昂髮不夷頃之僧乃出高麗銅鉢玉盤摩久之銅極精巧唇視意外則臨崖千丈不測中有一石直起為象鼻峯獨立獅座之表亦山中一佳境也入山初尚雨霽少頃雲霧沉澹不辨咫尺風愈復霽遂命肩輿北上而東路南有石柱峯形方面微黑

僅有綳紋可數不及雁蕩遠甚北有一石突出而平曰望江臺久不經人跡草樹已森然矣至善同塔院又見一大樹減前一圍特中分二幹直起尤為奇絕坐中峯塔院出高麗所製袈裟長計一丈有五復下藏雲塔塔道亭又東入斷崖塔院常門有一樹其高大不減晉岡又東往正殿入幻住庵又南望立玉亭乃中峯修真處也于山麓特伸一股其地甚平計一畝許其崖深幾萬丈下矚無底殊不可措足東西奇峯千仞壁立亭則誅茅為之且覆以三松一松獨偃臥其上亭隱然若匿予側身俯首而出仰視俯臨令人心悸目眩深遠幽寂奇麗六者兼之古稱蓬萊仙島真為不忝此天目第一奇絕處也東坡表忠觀碑所謂龍飛鳳舞鳳舞即此山之麓而龍飛則山之枕中峯塔北者時陰風怒號號冽如冬從者皆以兩手附耳古稱山深六月寒信哉昔日中峯迷昧不通自晉獨立七日不悟當墜崖而死越七日明心見性因名其亭以立玉後中峯乃東入幻住庵遂轉西南下坐著衣亭亭前山茶海棠僅爾半殘氣候寒暖遂與下界頓異若此亭之上有望雲庵惟一老僧坐石補納少頃入真空洞一飯飯畢暫臥僧房未幾家人報予曰天霽甚已非初入山景象矣促予起起坐洞中南望新城巖州以及桐廬富陽羣山近者尚有形可指再遠者望之則如藍玉萬片又再遠者則淡雲一抹竟不知其為山也雖使王維執筆能寫此雙態虛空色相耶僧聽泉復語予以北有張公洞昔張真人曾煉丹于此同僧掃石以坐視之則石之突出而峭嶮者計二十丈軒豁可愛西有石壁四五丈橫嶺洞

口泉皆石中流出名曰石骨水如梅雨絲絲而下較之他水氣味甘重迥絕又一小洞天也天色愈霽日始升僧云如此晴霽十不及見二三即轉為雲霧導予直登山頂最高處復從斷崖塔後進歷二臺陟其頂恍若置身青雲之上旁有石如鐵板狀似斷崖而屬俗傳乃仙人所錫者中有一石獨聳上落雲漢坐而凝目視之則東之臨安北之孝豐安吉東之金陵北之寧國諸山歷歷如指掌而前之所見南山愈小愈下又悉如蟻封矣

按潛確類書區宇部西天目山在於潛山東北有主峯高出天半者為翔鳳林其外則平地突起一石周迴十餘丈高百丈為玉柱峯又有象鼻香爐三峯以形似得名其西峯之頂俗名西尖有採芝巖昔劇藥山中者見巖上芝草一本五色因接長竿採之遂沒後數日左右復出二本皆翠色至今隱見不常有千丈巖龍穴石城石門張公舍石巷石屋石倉石版石柱新嶺石雷神宅諸靈勝徐伍登仙修鍊之所天目山又在湖州府孝豐縣高三萬六千丈廣八百里有三十六洞天十二龍潭其東峯從臨安入西峯從富縣入深阻難登相傳春秋時有披裘翁隱此嘗出採薪遇延陵季子見道旁遺金季子命取之瞋目曰何子居之高視之下儀貌之莊語言之林也吾五月披裘而採薪豈取金者哉季子謝之問以姓名不告而去

按浙江通志山川考天目山在杭州府臨安縣城西五十里高三千九百丈周迴八百里有三十六洞為仙靈所居每歲秋至之日風雨晦冥俗云山神與江

神會淳祐八年禱雨有應安撫趙與憲奏請封龍王  
爲靈祐公賜廟額曰惠澤山有東西二目東在臨安  
西在於潛東目則崔嵬峻嶺有重岡疊嶂之奇西目  
則起伏飛揚有龍翔鳳翥之勢分青挾翠以萃止于  
錢塘萬山林立環拱其下若臣服之狀豈非一郡之  
主山乎東目奇麗雖少亞于西目然其峯之奇者如  
天仙峯將軍峯寶珠峯水之奇者如瀑布泉洗眼池  
白龍池古跡之存者如分經臺黑龍臺昭明林鬱  
洞壑之秀者如垂虹嶺平溪皆超絕常區等干仙境  
焉

西天目山在杭州府於潛縣城北四十五里

天目山又在湖州府安吉州孝豐縣城南六十五里  
與杭州府接界高三萬六千丈周廻八百里有三  
十六洞天頂有二泉如目大旱不竭泉味甚美東南  
瀑布下注十里蛟龍時出沒成十二潭旱禱雨輒應  
山間有田畝池塘可耕爲方上人所居

按杭州府志山川攷東天目山在臨安縣西五十里  
昔有道宮在天目東峯曰黃石室故址尚存相傳有  
大鐘墮於水

大山在縣北五十里天目山東北峯也勢峭拔高二  
千六百丈周三百五十里昔倪氏居此故亦呼倪嶺  
南溪在縣西天目山發源四十五里至縣東入餘杭  
縣界二十八里共七十里今建竹林長橋

西天目山在於潛縣西北四十五里按大藏洞淵集  
乃第三十四洞天也山有二東目高二千丈西目高  
二千五百丈周廻一百里名太微元蓋洞天太平寰  
宇記山高三千九百丈廣五百五十里水因山曲折

東西巨源若兩目然故曰天目東出臨安流一百五  
十里爲苕溪西趨於潛爲紫溪合桐廬之水以匯于  
浙江水經於潛山極高峻東西瀑布下注成沼名蛟  
龍池池水入西溪合於浙江道士唐子霞謂天目山  
又名浮玉山上有兩池謂左右目連互四州杭宣湖  
嚴也周廻三十里有養生之藥著草花皆名者  
仙經山有銘勒龍池東銘曰列岳表裏羣峯霧裏翠  
滴烟巒名不可記

玉柱峯在天目中峯塔西南平地突起一石周廻十  
餘丈高百丈上有古木蒼藤人不能登

象鼻峯在天目形如象鼻與獅巖對

香爐峯在天目形如香爐故名

楊嶺在縣治北三十里高一百二十丈北抵天目眉

山西北達寧國驛路

長春塢在縣北四十里天目山西

響水巖在縣治北四十五里天目重峯內但聞其中

水聲冷冷不絕竟難覓其支流也

紫微巖在縣治北四十五里天目西麓俗呼爲紫莫

巖石皆玲瓏奇狀不一

翠微巖在天目倚翠亭後

芝草巖在天目西尖之西昔採藥者見上有芝草一

本五色備具接長竿採之色遂沒後數日左右復出

二本皆翠色遂不敢採至今隱現不常時有遇者因

以名巖

觀音巖在天目山半路旁突起一石高大各百餘丈

供觀音像於上

千丈巖在天目獅巖前自上觀之莫測其底以千丈

名不可以千丈限也

斷隴在天目西尖之西南

龍穴在天目其大逾寸穴外迴環之狀徑二寸許若

有物盤旋而成欲雨則雲氣先出故名

石城在天目西尖之西南岸高數丈南北五十餘丈

其外可履內深遠不可入玉桃古記云昔獵人阻雨

於石城外林間有白桃一顆摘入手如冰忽又變紅

其熱如湯遂采木葉包之藏於布囊下山捫之猶存

及至家止存木葉

石門在天目半峯嶺東西各一高者二十餘丈小者

百尺自張公舍眺之兩扉對峙一山之絕致也

石屋在天目去張公舍不遠常有陰雲怪風生於白

畫俗謂徐伍仙修煉之所

石倉在天目西尖之西坎衆山鱗巖宛若倉廩

石柱在天目西尖絕頂一長一丈一長二丈堅削平

直宛如斷成擊之其聲清越

石鼓在天目西嶺外塢南下磴道盤折狀如鼓形周

廻百餘丈擊之如鼓聲

石版在天目西尖之上長短大小不可數計皆平淨

如砥有全解至地者有解未盡者今錦娘線道猶存

其解至半者用大石砧架定信非人力所能及有好事

者欲取下輒有風雨蛇虺之變至今人莫敢動

石菴在天目西尖之頂最高峻上覆巨石一片非

大力不能舉

石巷在天目與張公舍相去二百餘步四圍聳拔石

罅一徑深三十餘丈藤木交蔭森然可畏

新婦石一名望夫石在天目西峯半山之中面東昂

立高五丈天然人形與東目新邱石相對有白樂天詩堂堂不語望夫君四時無居石作鄰蟬鬢不梳千載碧蛾眉常掃萬年春雪爲鉛粉憑風傳霞作胭脂仗日勾莫道巖前無寶鏡月明依舊照夫人

響版石在天目龍溪之外東顧坂溪中長二丈餘闊丈餘浮於水面擊之其聲清越

望江石在天目雲封蒼右隴軒然特立高約百餘丈下銳上豐梯乃可登望浙江如帶海門日上紅光耀目

鐘樓石在天目山半高數丈望之翠黛四敞如樓圍棋石在天目西尖之北圓廣各數尺平坦滑潤不生苔蘚古稱有仙人對弈於此

雷神宅在天目西尖半山西方蒼右每大雷電但聞雲中作嬰兒聲有蘇軾詩已外浮名更外身區區雷雨若爲神山頭只作嬰兒語無限人間失節人

張公舍在天目山南峭壁間闊五丈高二百餘丈即漢天師隱室旁有張公小舍相去半里一名天師外室登者捫蘿而入可坐數人

徐仙姑庵在天目西尖之北與深坑相鄰形若道家輪藏中有石柱至地四面環望垂石如榻可設臥云許邁宮在天目西尖下乃修真遺宇也址尚存

仙壇在天目雲封蒼北相去十餘丈即許真君禮拜之所

仙樂在天目西峯絕頂人蹟罕到隱者常于風清月白之夜聞雲外笙簫聲每陰霾欲舒久晴欲雨夜輒聞空中絲竹聲至日或在峰尖或響巖谷鄉民樵者每聽以爲候

山池

仙池俱在天目西尖絕頂上久旱不乾久雨不溢每歲早禱雨皆請池水虔禱即雨雨即送還池水天目之名正謂此也

龍池有上池中池下池俱在天目東北峰下有溪曰大徑口小徑口有潭形如仰箕曰箕潭中有巨石潭水注入上池在山東垂崖下高五十仞上有平地數丈名拜斗壇石壁如門峭立對峙以限水之出巨川

汎濫則激而反趨於寧川故山前無水患崖間有石如獅下瞰潭水登者據石拔蘿而視毛髮慘慄水入中池又在垂崖之下噴瀉如雷飛濺崖壁下池接焉池週迴三十餘丈紺碧深遠幽沉莫測三面皆駢石環繞南流入大溪至紫溪七十二灘巖下有滴乳人採以療病宋時每早潦輒遣使用龍請晴投之池中

泝流而上既而下沉如有物掣之者少頃復浮而出池上有格思亭今廢下爲石倉潭澄泓可鑑又爲浮溪水潭泉迭出石澗潭水順流西溪由至道宮西至昭慶廟前爲弄珠池也

洗眼池在天目雙清莊太子庵乃昭明洗眼處按湖州府志山川考天目山在孝豐縣西南六十五里與杭州接界出壽藤可作杖遶齋閣覽云登天目山見雲氣出山巖間雷音似嬰兒聲

按臨安縣志輿地考天目山在縣西五十里即浮玉山山藏經謂字內三十四洞天名太微元蓋之天太平真宇記水緣山曲折東西巨源若兩目故曰天目

梁昭明太子分經此山目警洗於泉明一目後歷西山又以泉洗之目悉開故杜曰雙清山曰天目西目

屬於潛東目屬臨安東目山麓有昭明庵去望天橋數百步昭明始恭禪處遺像巖然再上有勝樂亭鐘磬堂湮沒已久猶時聞鐘磬聲有龍王祠宋淳祐間禱雨立應賜額靈祐公廟稍上則有馬公亭邑令馬俶芳建有且止亭將軍峰削壁數十仞上一里有碎玉坡碎石堆散日耀之作蒼碧色又上則觀瀑亭瀑布泉高倚斷崖下臨絕澗泉自白龍池瀉下望之如匹練名曰東崖瀑布有垂虹橋橋爲兩峯泉自峯頂瀉下如白虹倒飲互天入澗名曰西崖垂虹由石梯而上古木森羅中開數畝建昭明禪寺後殿邑令黃鼎象創新之寺有千佛閣銅佛千尊其後寺災而閣無礙亦靈異矣轉西則定觀臺洗眼池泉出石竅洌而甘有庵以昭明洗眼故名迺光上有悟道松頂平圓如蓋昔異人葛稚川所棲處也去迴光峯里餘竹木叢茂白雲時護有棲雲殿亦名白雲窩供磁大士一尊轉上有分經臺即昭明分金剛經處臺上有萬年松三一爲雷火所摧二俱枯立臺旁有葛稚川煉丹池水深不滿尺大旱不涸臺後綠崖巒巒而登可十數里爲大仙峯則天目絕頂也頂甚平衍巖石數十處名仙緣石時雲霧又名雲霧山度嶺而下自千佛閣轉東有黑驢庵庵乾道中希都禪師養一黑驢甚馴出入與俱病驢暮緣供之爲虎所噬師微名虎至噬驢者伏罪師叱曰死者已矣後母再犯至今臨安有虎患此山獨無又有平溪庵白龍池即舊山白龍潭地於欽禪師避居此池者也下有洞兩旁石室可容百餘人中有龍池云是天之一目深不可測常作雲雨旱禱輒應池上有飛橋四面皆危壁

懸橋往返似飛度者下有玉淵泉流出瀑布名曰玉淵飛橋池外有寶珠峯圓淨秀媚環視青林黃葉綴丹點碧如金珠燦然猶築夜光臺今廢又有浮玉池相傳昔有玉浮出故山亦名浮玉云

按於潛縣志山川攷西天目山在縣北四十五里東目對峙高二千五百丈延袤五百五十里周二千里縹緲萬仞高出天半翔鳳林其絕高頂也豐日朝升如赤霞每雲氣鬱蒸羣山盡失一望如海雲稍散諸峯漸見尖頂如萍浮海中或驟雨至雷電交作惟聞雲中如嬰兒聲奇麗甲一郡為神仙窟宅

按孝豐縣志山川攷天目山在縣治西南五十里高三萬六千丈廣八百里是為三十四洞天上有兩峰峰頂各一池若左右目故名東北一峰崛起為翔鳳林又有玉柱峰香爐峰象鼻峯西方庵立玉亭西尖有採芝巖千丈巖中峯斷崖張公洞龍穴石門石巷石屋石圍屏金鷄石眠牛石十二龍潭雷神宅又有望海樓梁昭明讀書臺

廣苔山在縣南二十里為天目之陰苔水所出師高山勢接天目如端人正士儼然卓立略無依倚冬月積雪春夏猶凝

芙蓉山在縣南十五里為南天目下有淨竹寺靈巖山一名靈峯古稱北天目羣峰巍然端坐者為大雄峯大雄之東寬嚴峯時俯臨萬竹者為巨丈峰大雄之西峭壁千仞有若天門者為獨立峰一名海日幢獨立峯前五峰行列於寺之西並似青芙蓉者為五蓮峯在寺東南迴顧梵刹者為二乳峰兩壁峭立為神鳥喚俗名靈巖巖於大雄百丈兩峯間行

時逢達有聲震動巖谷者為天鼓坪修竹巨石可行可坐者為碧玉坪與碧玉坪相對從大雄峯而發如青蓮葉者為映碧坪其北大石三座如圓荷三點不縱不橫不並不別前可結小茅者為秘藏巖又有龍樹泉舊名龍泉祈雨最靈載一統志在大雄百丈兩峰中有歡喜泉出百丈之東冬夏不絕飲之甘美有安養泉出大雄之西味尤醇美有瀑月池在碧玉坪西麓積龍樹泉所成也有譚經石一名神丹石可坐二十餘人有腳跌石在大雄峯之麓又有萬竹塢一名上房塢有攝香居千梅塢金德洞舊名仙洞載一統志又華嚴洞在二乳峰左其上為靈巖寺宋時為百福寺

#### 大會山在天目鄉

按富陽縣志名勝考桐嶺在縣北三十五里開化村通餘杭縣宋都鳳凰山發脈于天目山桐嶺為過峽處嶺南支龍環抱開化里人文為一邑之盛嶺東山巔有仙洞深可里許玲瓏遶窺未可方物幽暗處不見日月必炷火而遊攀藤捫石高處略可數十丈低處或俯首而過崖石層疊光潤如雪有石幢石幡石繖石基枰諸物內有湖池與湖汐相應多有古遊人題味歲久水積若層水然隱隱莫辨南宋時設千戶守禦有石碑留題今廢相傳宋末土人石氏兄弟立鄉寨保安隘並死國難今皆為土神云嘉靖時薛綱屯兵桐嶺拒倭即斯地也

#### 天目山部總論

##### 杭州府志

##### 東天目山說

夫東天目者名著圖經聲聞寰宇標奇境內雄鎮郡城誠羣山之泰岱也故予敘郡治諸山往往自東及西由南及北自近及遠惟此山去縣治稍遠予特揭而書諸首者蓋獨加表異以自別于諸山別起例以隆之也山有東西二目東在臨安縣西在於潛縣東目則崔嵬峻嶒有重岡疊嶂之奇西目則起伏飛揚有龍翔鳳翥之勢分青挾翠以萃止於錢塘萬山林立環拱莫不若臣服之狀豈非一郡之主山乎東目奇麗雖稍亞于西目然其峰之奇者如大仙峯將軍峯寶珠峯水之奇者如瀑布泉洗眼池白龍池古蹟之存者如分經臺黑驢菴昭明菴林巒澗壑之秀者如垂虹嶺如平溪皆超絕常區等于仙境而舊志漫循脫簡略而不錄誠可嘆息予因旁詢幽討筆其梗概於天目之下以備遺逸其諸峯樹泉壑各以類見於後從凡例也此山靈秀并異草奇花皆略見于西目在於潛志中云

##### 西天目山說

西天目山奇麗秀絕甲於郡中其峰巒之詭異如獅象金猊石礎之玲瓏若神斧鬼工是誠名勝之奧區神仙之窟宅也東北有主峰高出天半者曰翔鳳林其外則玉柱峰象鼻峰香爐峰巖巖則獅子巖響水巖紫微巖翠微巖芝草巖觀音巖千丈巖石則石城石門石屋石倉石鼓石柱石板石菴石巷新婦石望江石鐘樓石圍棋石古蹟則雷神宅張公舍徐仙姑等